

古
詩
賞
析

古詩賞析卷十五目錄

晉詩

無名氏

春歌

選二十首

夏歌

選二十首

秋歌

選十八首

冬歌

選十七首

子夜變歌

選三首

安東平

五首

那呵灘

選六首

孟珠

選十首

女兒子

選二首

作蠶絲

選四首

拂舞歌

選五首
獨漉篇

白紵舞歌辭

選三首

樂辭

休洗紅二首

綿州巴歌

隴上歌

三峽謠

續貂諺

京洛童謠二首
選一

洛陽童謠

六安中童謠

劉妙容

宛轉歌二首

宋詩

孝武帝

自君之出矣

南平王鑠

擬行行重行行

顏延之

北使洛

五君詠

阮步兵
嵇中散

劉參軍
阮始平
向常侍

秋胡詩

九首

古詩賞析卷十五

吳縣張玉穀蔭嘉選解

門人

蔣曾煊德融

蔣曾熿德明

甥 嚴廷燦暲初

校字

男 大鎔禹金

晉詩

無名氏

春歌

二十首選一。○清商曲辭吳聲歌曲下
三歌同。○穀按此與下夏秋冬歌乃子

夜四時歌也說見

前卷子夜歌下

春林花多媚。春鳥意多哀。春風復多情。吹我羅裳開。

首句表已之色。次句述已之懷。三四則感彼之知我。而我不覺傾倒也。皆在春上。生情比出。何等蘊藉。

夏歌

二十首
選一

反覆華簾上。屏帳了不施。郎君未可前。待我整容儀。

容儀不整。郎固何妨前也。而口中偏以此拒之。寫旣旒於莊重之中。最占身分。

秋歌

十八首
選一

初寒八九月。獨纏自絡絲。寒衣尚未了。郎喚儂底爲。

女紅方夜作。而郎喚欲何爲。真寫得怕郎情重意出。作詐呆語看。反淺矣。

冬歌

十七首
選一

淵冰厚三尺。素雪覆千里。我心如松柏。君情復何似。

上二。先寫嚴寒景象。以見松柏不改之難。然後以我心剔出君情。吞吐入妙。

子夜變歌

三首
選一。○清商曲辭吳聲歌曲。○宋書樂志曰。六變諸曲皆因事。

制歌

變。

人傳歡負情。我自未嘗見。三更開門去。始知子夜。

責其心變。先將人有傳言。我未嘗信。反筆
跌落。便醒。便曲。剔出子夜變三字。亦巧甚。

安東平

五首。○清商曲辭西曲歌。○古今樂
錄曰。安東平舊舞十六人。梁八人。

淒淒烈烈。北風爲雪。船道不通。步道斷絕。

首章只言風雪載途。水陸俱斷也。而
勸郎勿去意。自在言外。里而有古趣。

吳中細布。闊幅長度。我有一端。與郎作袴。

二章是旣畱之後。出所有以媚郎也。細而闊
長。先言布好。不作他物。而獨作袴。加倍親昵。

微○物○雖○輕○拙○手○所○作○餘○有○三○丈○爲○耶○別○厝○作在七遇韻音

做○然○卽○作○入○聲○亦○與○厝○字○爲○回○互○通○韻○

三章蒙上布袴來。微物歸人。自謙自矜。總自獻其殷勤也。下二又拖得有餘不盡。

制○爲○輕○巾○以○奉○故○人○不○持○作○好○與○郎○拭○塵○

四章又蒙別厝來。商量將爲巾以奉也。得不持作好一曲。言情愈婉。

東○平○劉○生○復○感○人○情○與○郎○相○知○當○解○千○齡○按橫吹曲辭梁

鼓角橫吹曲亦有東平劉生歌。則東平劉生應是當時美男子之名。

末章言自郎而外。豈無感人情者。然旣與郎相知。則當永久勿替也。較子不我思。豈無他人反。

厚。覺敦。

那呵灘

六首選二。清商曲辭西曲歌。○古今樂錄曰那呵灘舊舞十六人梁八

人其和云郎去何當還多敘江陵及揚州事那呵蓋灘名也

聞歡下揚州相送江津灣願得篙櫓折交郎到頭

還

交郎到頭還猶教郎到底還也

此爲送歡之辭畱歡不得勉強相送寫深情於不祥語中落想甚奇

篙折當更覓櫓折當更安各自是官人那得到頭

還

官人婦人呼夫之稱各自是官人言我到彼亦有呼我爲官人者與汝真各自以爲是也

此爲歡答之辭因彼語不祥故卽借其語以破之藏深情於若無情中落想更幻甚

孟珠

十首選五。清商曲辭西曲歌。一日丹陽孟珠歌。○古今樂錄曰孟珠十曲二

曲倚歌八曲舊舞

十六人梁八人

陽春二三月。草與水同色。攀條摘香花。言是歡氣
息。

從春景引起。鍊句深秀。不言歡有花香。而言香
花是歡氣息。即唐人蓮花似六郎之意也。最爲
妙敏。

女兒子

二首選一。○清商曲辭西曲歌。又名
巴東三峽歌。○古今樂錄曰。女兒子。

倚歌也。三峽謂廣溪峽。巫峽。西陵峽也。林
木高茂。猿鳴至清。行者聞之。莫不懷土。

巴東三峽猿鳴悲。夜鳴三聲。淚沾衣。
夜一作猿。

後人多說猿鳴之悲。此其
祖也。語簡意該。硬派得妙。

作蠶絲

四首選一。清商曲辭西曲歌。

春蠶不應老。晝夜長懷絲。何惜微軀盡。纏綿自有

時

上二。惜長思之易老。下二。歎縱死而思無盡也。以蠶比出。詞旨纏綿。

拂舞歌

舞曲歌辭拂舞歌。○穀按拂舞歌本五篇。獨漉第三篇也。

獨漉篇

獨漉一作獨祿。南齊樂志曰古辭明君曲末云交與獨祿。晉歌為鹿

字古通用也。疑是風刺之詞。

獨漉獨漉。水深泥濁。泥濁尚可。水深殺我。

漉音鹿。滲也。水

下流處。獨漉言獨居水下流處也。

雍雍雙雁。遊戲田畔。我欲射雁。

念子孤散。

子節指雁說。

翩翩浮萍。得風搖輕。我心何合。

與之同并。

與之同并。與浮萍同其無依也。

空牀低帷。誰知無人夜。

衣錦繡誰別。

偽真刀鳴箭中倚牀無施。

箭同簫通作鞘刀室。

父冤不報。欲活何爲。猛虎斑斑。遊戲山間。虎欲齧。

人不避豪賢。

此誓報父讎之詩。首四。以水深比父冤之深。非若他讎可解。次四。以我之不忍射雁。反比彼之忍殺我父。三四。以浮萍風搖。比已孤兒無依。四四。方言曾入讎室。以不知空牀無人而誤擊之。猶夜衣錦繡之不別偽真。五四。實點出父讎不報之恨。六四。又以虎之殺人。不避比己之必報。後已通首。只空牀八句。是賦餘皆比也。而夜衣八字。猶是賦中之比。離奇運意。古與摘辭。卽置。

之漢魏樂府中。猶推上品。○雪村謂我心二句。乃思得同心之人。併力圖報。空牀二句。言安知竟無其人。夜衣二句。則慮難得真。可托者。與鄙解不合。存以備參。

白紵舞歌辭

三首。選一。○舞曲歌辭雜舞。○

巾袍之言。紵本吳地所出。宜是吳舞也。

輕軀徐起。何洋洋。高舉兩手。白鵠翔。宛若龍轉。乍低昂。凝停善睠容。儀光如推。若引畱。且行隨世而變。誠無方。舞以盡神。安可忘。晉世方昌。樂未央。質如輕雲色。如銀愛之遺。誰贈佳人制。以爲袍。餘作巾袍。以光軀。巾拂塵。麗服在御。會嘉賓。醪醴盈樽。

美且淳。清歌徐舞。降祇神。四座歡樂。胡可陳。

歌賦會賓降神。佳人御白紵袍巾之舞態也。前八先逆敘舞態之妙。逐節摹寫極於無方。盡神而。以晉世方昌。醒出樂字一頓。後八乃就白紵點清佳人爲袍作巾之好。遞到御此以舞。可會嘉賓。可降祇神來。插補酒歌爲舞作陪。微應樂字。却又在觀舞者邊著筆。應前而不複前。婀娜多姿。歌如其舞。

樂辭

郭樂府失載。詩所作雜曲。無世代名氏可考。詩紀穆祝曰。窮袴襦也。蓋漢人語。

吳兢編此辭在十九首後。穀按諸本皆隸晉代從之。

繡幙圍春風。耳節朱絲桐。

言耳能識琴中之節奏也。不知理何。

事淺立經營中。愛惜加窮袴。防閑託守宮。

窮袴襦也。或作

綉漢書上官后傳宮人使令皆爲窮袴多其帶服
虔曰有前後襠不得交通也師古曰窮袴卽今之
裋褌袴博物志蜺以器養之食以真朱體盡赤
搗萬杵以點女人支體終身不滅淫則點落故號
守宮今日牛羊上邱隴當年近前面發紅

此詩爲慕色者指點其不可長留也前四就深
閨佳麗聰慧含情說起而不知二字却在愛之
者心目中顯出引動中二馬蹟蛛絲中二正寫
愛惜惟其愛惜所以防閑癡情如畫末二不過
說艷色難留行爲枯骨曉愛者勿沉溺耳然順
說正說便無餘味妙從今日邱隴中人當年嬌
羞亦爾憑空用逆筆指點出來而勿沉溺
意未嘗道破已是顯然何等空靈矯變

休洗紅

二首○郭樂府失載詩所
作雜曲亦從諸本隸晉

休洗紅洗多紅色淡不惜故縫衣記得初按茜
下按

也。茜茅蒐可染紅。○此第四部。
霰韻第五部。勘韻兩界通韻。
人壽百年能幾何。
後來新婦今爲婆。

因洗紅感今追昔而歎人壽之永不
也。新婦爲婆指點得極俚却有古趣。

休洗紅。洗多紅。在水新紅裁作衣。
舊紅番作裏。迴黃轉綠無定期。
世事反復君所知。

因洗紅喜新厭故而歎世事之無定也。迴
黃轉綠推廣言之極生新却是善用經語。

綿州巴歌雜歌
謠辭

豆子山打瓦鼓。揚平山撒白雨。
下白雨取龍女。織得絹二丈五。
一半屬羅江。一半屬玄武。
打瓦鼓泉之初出聲。

撒白雨泉之上溢勢絹卽布意言必龍女始能織
之二丈五約其長屬羅江屬玄武言瀑布下垂分
注於二水也豆子山卽豆圖山豆子明脩
道之所與楊平山羅江玄武湖俱在蜀中
此詠瀑布詩也前四是來路中四是正面後二
是去路取象極奇幻造句極古與紬繹數四始
得證入爲之一快

隴上歌

雜歌謠辭○晉書載記劉曜圍陳安
於隴城安敗南走陝中曜使將軍平
先邱中伯率勁騎追安安與壯士十餘騎
於陝中格戰安左手奮七尺大刀右手執
丈八蛇矛近交則刀矛俱發輒害五六遠
則雙帶鞭服左右馳射而走平先亦壯健
絕人與安搏戰三交奪其蛇矛而退遂追
斬於澗曲安善於撫下吉凶夷險與衆同
之及死隴上爲之歌曜
聞而嘉傷命樂府歌之

隴上壯士有陳安。軀幹雖小腹中寬。愛養將士同
心肝。驕驄父馬鐵鍛鞍。七尺大刀奮如湍。丈八蛇
矛左右盤。十盪十決無當前。百騎俱出如雲浮。追
者千萬騎悠悠。戰始三交失蛇矛。棄我驕驄竄巖
幽。爲我外援而懸頭。言安之勇足爲我儕外。西流
之水東流河。一去不還奈子何。十六國春秋。奮如
矛句下有十騎俱盪九騎畱句。竄巖幽句下有大有大
雨降後追者收句。末句作阿阿嗚呼奈子何嗚呼
阿阿奈子何二句。

前七先以隴上壯士標清眉目。總贊其善於撫
下及騎技之勇。皆就平日說中五。正敘隴城之

古詩賞析

卷五

戰傷其寡不敵衆。竟至敗績而死。後二。以河水反流。比出死非其罪。慨歎作收。通首逐句用韻。轉接不測。音節極爲悲壯。

三峽謠

雜歌謠辭。○水經注曰。峽中有灘。名曰黃牛。巖石既高。江流紆迴。雖途經

信宿。猶望見之。故行者謠云。

朝見黃牛暮見黃牛。三朝三暮黃牛如故。

謂牛字疊押作

一韻。下暮故爲轉韻。可謂尤遇

二韻。第二部三聲通韻亦可。

只說黃牛長見。而峽路之紆。已使人言外得之。筆意亦古。

續貂諺

雜歌謠辭。○晉書趙王倫僭位。諸黨並列大封。至奴卒廝役。亦加爵位。每

朝會貂蟬盈坐。時人諺曰。

貂。不。足。狗。尾。續。

言貂之不敷於用而戴貂者之皆爲狗黨已明雙關入妙

京洛童謠

二首選一○雜歌謠辭○晉書五行志惠帝元康中京洛童謠云云

南風賈后字也白晉行也沙門太子小字也魯賈謚國也言賈后將與謚爲亂以危太子而趙王因釁咀嚼賢豪以成篡奪也按賈后紀有此謠云南風烈烈吹黃沙遙望魯國鬱嵯峨前至三月滅汝家與此不同

南風起兮吹白沙遙望魯國何嵯峨千歲髑髏生

齒牙

首二隱括其事結語狀其險謀有奇鬼攫人之勢

洛陽童謠

雜歌謠辭○晉書五行志惠帝時洛陽童謠云云明年而胡賊石勒

劉羽

反

鄴中女兒莫千妖前至三月抱胡腰

妖淫致禍讀之凜然不曰胡抱其腰而曰抱胡腰毒甚

大安中童謠

雜歌謠辭○晉書五行志惠帝大安中童謠云云後中原大亂

宗藩多絕惟瑯琊汝南西陽南頓彭城同至江東而元帝嗣統矣

五馬浮渡江一馬化為龍

馬為晉姓龍為君象而龍馬又恰有變化之理切而仍隱

劉妙容

吳令劉惠明亡女

宛轉歌

二首○琴曲歌辭○吳均續齊諧記

善鼓琴年十八仕於東宮爲衛佐休暇還鄉過吳維舟中渚登亭望月悵然有懷乃倚琴歌泣露之詩俄聞戶外有嗟賞之聲見一女子雅有顏色謂敬伯曰女郎悅君之琴願共撫之敬伯許焉旣而女郎至姿質婉麗綽有餘態從以二少女一則向先至者女郎乃撫琴揮絃調韻哀雅類今之登歌曰古所謂楚明君也惟嵇叔夜能爲此聲自茲以來傳習數人而已復鼓琴歌遲風之詞因歎息久之乃命大婢酌酒小婢彈箏篴作宛轉歌女郎脫頭上金釵扣琴絃而和音韻繁諧歌凡八曲敬伯惟憶二曲將去留錦被具繡香囊并佩一雙以遺敬伯敬伯報以牙火籠玉琴軫女郎悵然不忍別且曰深閨獨處十有六年矣邂逅旅館盡平生之志蓋冥契非人事也言

竟便去敬伯船至虎牢。成吳令劉惠明者有愛女早世。舟中亡臥具。於敬伯船獲焉。敬伯具以告。果於帳中得火籠琴軫。女郎名妙容。字雅華。大婢名春條。年二十餘。小婢名桃枝。年十五。皆善彈箏篴。及宛轉歌相繼俱卒。唐李端又有王敬伯歌。亦出於此。

月既明。西軒琴復清。寸心斗酒爭芳夜。千秋萬歲同一情。歌宛轉。宛轉淒以哀。願爲星與漢。光影共徘徊。

首二寫夜景起。卽帶琴說。三四從景遞情。爭字同字。便拖彼邊在內。鍊句耐味。後四點明歌字。落醒情難長久之哀。星漢徘徊。卽在夜景觸出調極流逸。

悲且傷。參差淚成行。成一作幾低紅掩翠。方無色。金徽

玉軫。爲誰鏘歌宛轉。宛轉情復悲。願爲煙與霧氛。

魚對容姿

首二。頂前直就悲淚說起。三四。紅翠無色。略逗遊魂。仍借琴上生出感慨。後四。亦點歌字。再醒情悲。煙霧氛氣。比星漢更空。色相。鬼趣顯然矣。調愈淒苦。

宋詩

孝武帝 姓劉氏。名駿。字休龍。小字道人。文帝第三子。封武陵王。元凶劭弑逆。舉兵誅劭。

卽位。孝建三年。大明八年。在位十一年。

自君之出矣 雜曲歌辭。○魏徐幹雜詩五首第三首結云。自君之出矣。明鏡

暗不治思君如流水無
有窮已時題源於此

自君之出矣金翠闇無精思君無日月回還晝夜
生

雖不若徐幹原作之自然然取象亦極刻畫

南平王鐔

姓劉氏字休立文帝第四子未弱冠擬古三十餘首元凶弑立以爲侍中

孝武入討鐔歸義最晚常懷憂懼而負才狡競每與兄弟計度藝能與帝又不能和食中
遇毒死

擬行行重行行

眇眇陵長道遙遙行遠之迴車背京里揮手從此

辭堂上流塵生庭中綠草滋寒蟄翔水曲秋兔依山基芳年有華月佳人無還期芳年有華月言年歲自芳有此光華也。月。日夕涼風起對酒長相思悲發江南調憂委

子衿詩

漢樂府有江南題詩青青子衿悠悠我心

臥覺明燈晦坐見輕

紈緇淚容不可飾幽鏡難復持願垂薄暮景照妾桑榆時

此擬閨怨詩也。前四就別時敘起堂上六句寫空室之景以有華月別出無還期來文勢一頓日夕八句敘別久相思之苦後二收出願望之誠較漢時原作平直多矣取其尚存古意猶是雅音。

顏延之

字延年。瑯琊臨沂人。性疎淡。不護細行。而文章冠絕當世。初為宋公豫章世子。

參軍。及武帝受禪。補太子舍人。帝崩。出為始

安太守。元帝元嘉三年。徵為中書侍郎。復出

守永嘉。孝武初。拜金紫光祿大夫。時子竣貴

重。權傾一朝。凡所資供。延之一無所受。器服

宇宅如舊。

卒贈特進。

北使洛

宋書。延之為豫章世子中軍行參軍。義熙十二年。高祖北伐。有宋公之授。

府遣

一使慶殊。命參起居。延

之至洛陽道中。作詩一首。

改服飭徒旅。首路踰險艱。振楫發吳洲。秣馬陵楚

山。塗出梁宋郊。道由周鄭間。前登陽城路。日夕望

三川

陽城縣在汝南郡三川洛河伊也在河南郡

在昔轍期運經始闢

聖賢

輟止也。期運王者代興之期。運也。濶少也。

伊瀝絕津濟。臺觀無尺

椽。

瀝水名。在洛中。

宮陛多巢穴。城闕生雲煙。

多巢穴。多狐兔等之巢穴。

也。

王猷升八表。嗟行方暮年。

王猷升八表。謂宋業日隆也。

陰風

振涼野。飛雲瞽窮天。臨塗未及引。置酒慘無言。隱

憫徒御悲。威遲良馬煩。遊役去芳時。歸來屢徂。曾

言當歸來。而更數有所往。曾本懷也。

蓬心既已矣。飛薄殊亦然。

莊子謂惠

子曰。夫子拙於用大。則夫子猶有蓬之心也夫。言已有蓬心事。既已矣。而身之飛薄亦復同之。

此因使洛而傷晉室凋殘。并述行役之苦也。前八。歷敘赴洛水陸經行之道。中六。則就入洛時

目中所見。晉室亂後傷殘之景致。慨後十二點。明使宋補述歲暮行役之悲。蓬心既已。收應晉

難身亦飛薄。收應久役。顏詩此種。尚不致過於雕琢。有傷自然。

五君詠

宋書延年領步兵。好酒疎誕。不能斟酌。當時劉謐言於彭城王義康。出為

永嘉太守。延年甚怨憤。乃為五君詠。以述竹林七賢。山濤王戎。以貴顯被斥。五首中

多自况語。

阮步兵

名藉見魏本詩小傳

阮公雖淪迹。識密鑒亦洞。沉醉似埋照。寓辭類託

諷。晉書藉拜東平相。不以政事為務。沉醉日多。長善屬文。作詠懷詩八十餘首。為世所傳誦。

嘯若懷人。越禮自驚眾。

魏氏春秋。藉少時嘗遊蘇門山。有隱者莫知姓名。藉

從與談。太古無為之道。及論五帝三皇之義。蘇門生蕭然會不經聽。藉乃對之長嘯。清韻響亮。蘇門

生適然而笑。藉既降。蘇門生亦嘯。若鸞鳳之音焉。
晉陽秋。阮藉嫂常歸家。藉相見與別。或以禮譏之。
藉曰。禮豈爲物。故不可論。途窮能無慟。晉書。阮藉
我輩設耶。教發言立遠。口不評論。賊否人物。魏氏春秋。藉
時率意獨駕。不由徑路。車蹟所窮。輒慟哭而返。
首二。以雖淪迹有識鑒雙提。中四。沉醉越禮。頂
淪迹說。寓辭長嘯。頂識鑒說。後二。物不可論。反
收識鑒。途窮慟哭。正收淪迹。
此。前後皆散。中四用整格。

嵇中散

嵇康字叔夜有奇才官至中散大夫

中散不偶世本是餐霞人

晉陽秋嵇康性不偶形

解驗默仙吐論知凝神

顧愷之嵇康贊南海太守鮑靚通靈士也東海徐寧

師之夜聞靜室有琴聲怪其妙而問焉靚曰叔夜寧曰嵇臨命東市何得在茲靚曰叔夜迹似終

而實尸解。孫綽嵇中散傳。嵇康作養生論。立俗迂入洛京。師謂之神人。向子期難之。不得屈。流議尋山。洽隱淪。竹林七賢論。嵇康非湯武。薄周二百三十八歲。康甚愛之。鸞翮有時。鍛龍性。誰能數與共入山。遊戲採藥。馴。

前二。以不偶世餐霞人雙提。三四。頂餐霞人說五六。頂不偶世說。後二。則就不偶世中。收足餐霞人。此前二用散。後六皆整格。

劉參軍

劉伶字伯倫。沛國人。嘗為建威參軍。

劉伶善閉關。懷情滅聞見。老子善閉者。無關鍵而目無所見。耳無所聞。汝神將守形。形乃長生。善曰。言道德內充。情欲俱閉。既無聞見。故聞見皆滅。

鼓鐘不足歡榮色豈能眩韜精日沉飲誰知非荒

宴。晉書伶官乘鹿車攜一壺酒頌酒雖短章深衷自此見。劉伶有酒

德頌

前二。以善閉關滅聞見雙提。三四。頂滅聞見說

五六。頂善閉關說。後二。即借酒頌正收善閉關

而滅聞見已在其內。此

三四用整。前後皆散格。

阮始平。阮咸字仲容藉兄子也官至始平太守

仲容青雲器實稟生民秀。青雲器謂當貴顯也達音何用深。

識微在金奏。傳暢晉諸公贊中護軍長史阮咸唱議荀勗所造樂聲高聲高則悲亡國

之音哀以思。今聲不合雅懼非德政中和之善必

古今尺長短之所致。後掘地得古銅尺。歲久欲腐

壞以此尺度於最今尺短
四分時人名咸為神解
郭奕已心醉山公非虛

觀名士傳阮咸哀樂至到過絕於人太原郭奕見
之心醉山濤啓事咸若在官人之職必妙絕於
時
屢薦不入官一麾乃出守
曹嘉之晉記山濤舉
咸為吏部郎章三上

武帝不能用晉書荀勗每與咸論音律自以為
遠不能也疾之出補始平太守麾為最所麾也

前二以青雲器生民秀雙提三四頂生民秀說
五六頂青雲器說後二則就出守反收青雲器

而生民秀已在其中此亦
前後用散中四用整之格

向常侍
向秀字子期河內懷
人官至散騎常侍

向秀甘淡薄深心託豪素
豪同毫素紙筆也
探道好淵玄

觀書鄙章句
世說初注莊子者數十家莫能究其
指要向秀於舊注外為講義妙析奇

致大暢玄風向秀別傳秀雅好讀書漢書贊直治易長於卦筮無章句交呂旣鴻軒

攀嵇亦鳳舉

向秀別傳秀嘗與嵇康偶鍛於洛邑與呂安灌園於山陽收其餘利以供

酒食之費按句意鴻軒鳳舉指呂嵇說言秀所交者皆安貧樂道不凡之人也流連河裏

遊惻愴山陽賦

河裏卽河內山陽今脩武縣魏氏春秋嵇呂旣被誅秀經山陽舊廬

因問作思舊賦曰濟黃河以泛舟經山陽之舊居

前二以甘淡薄託豪素雙提三四頂託豪素說五六頂甘淡薄說後二獨頂五六說然說其作

賦則託豪素亦借收矣此亦前後用散中四用整之格五詩皆能括舉本人大端絕無支蔓而

鑄局鍊句已開五律之源

秋胡詩

九首○擬魏相和歌辭清調曲○列女傳魯潔婦者秋胡子之妻秋胡子

既納之五日去而官於陳五年乃歸未至其家見路旁有美婦人方采桑而悅之下車謂曰力田不如逢豐年力桑不如逢國卿今吾有金願以與夫人婦曰采桑力作紡績織紉以供衣食奉二親養夫子足矣不願人之金秋胡遂去歸至家奉金遺母其母呼婦至乃向采桑者也秋胡見之而慚婦曰辭親往仕五年乃得還今悅路旁婦人而忘母是不孝也吾不忍見不孝之人遂投河而死又見西京雜記與此小有不同

椅梧傾高鳳寒谷待鳴律

傾傾枝以待也劉向別錄鄒衍在燕有寒谷不

生五穀鄒子吹影響豈不懷自遠每相匹鵬冠子律而溫至生黍影響則應聲言夫婦之婉彼幽閒女作嬪君子室義自遠而近借影響也

峻節貫秋霜。明艷侔朝日。嘉運既我從。欣願自此畢。

首章敘潔婦初嫁事。前四比起。用筆不平。後六正敘潔婦來嫁。峻節明艷二意。統攝諸章。結語又反起下文驟別也。詩題曰秋胡。而全以潔婦作主。故首章卽從潔婦發端。

燕居未及好。良人顧有違。脫巾千里外。結綬登王

畿。善曰。巾。處士所服。綬。仕者所佩。仕陳而曰王畿。詩緯曰。陳王者所起也。戒途在昧

旦。左右來相依。驅車出郊郭。行路正威遲。存爲久離別。沒爲長不歸。

二章敘潔婦送別事。前四。蒙上新婚。點清良人遠宦驟別。中四。敘別時景。後二。則潔婦送別時

爲句。又反伏夫歸而已反沒也。

嗟予怨行役三陟窮晨暮

三陟或謂指卷耳詩陟彼崔嵬陟彼高岡陟彼

祖矣或謂指陟岵詩陟彼岵兮陟彼屺兮陟彼岡兮後說是

嚴駕越風寒解鞍

犯霜露原隰多悲涼迴飈卷高樹離獸起荒蹊驚

鳥縱橫去悲哉遊宦子勞此山川路

三章述秋胡行役事前四述途中事中四述途中景後二點醒宦遊行路之勞自述如此而畧

不及思家之悲已爲薄情伏案此章或解作潔婦意中想像之詞非

超遙行人遠宛轉年運徂良時爲此別日月方向

除孰知寒暑積僂僂見榮枯

善曰僂僂猶俯仰也榮枯草木之榮枯也

程曉女典春榮
秋枯自然之理
歲暮臨空房涼風起坐隅寢興日

已寒白露生庭蕪

四章敘潔婦家居事前六言別久歲積後四言
空房冷景而思慕其夫之情只在行人遠爲此
別畧一逗明含蓄不露正善留第八章自述地
也下章相遇既在春時故上章與此章皆在秋
冬述景

勤役從歸願反路遵山河昔辭秋未素今也歲載

華

載華謂春時
草木榮華也

蠶月歡時暇桑野多經過佳人從

所務窈窕援高柯傾城誰不顧弭節停中阿

弭節
駐其

旌節也

五章敘秋胡歸途。適遇潔婦采桑事。前四正敘秋胡方歸。中四忽接潔婦出采。後二方在秋胡目中。顯出其妻之美。因而停駕。窮窈傾城。明艷一應。

年往誠思勞。路遠濶音形。雖爲五載別。相與昧平

生。捨車遵往路。鳬藻馳目成。

捨車下車也。鳬藻言其歡悅如鳬戲藻目。

成以目送情也。南金豈不重。聊自意所輕。義心多苦調。密

比金玉聲。

六章敘秋胡遺金。潔婦却金事。前四先就路遠別久。注明兩不相識之由。中四正敘秋胡下車

贈金。後二則述潔婦辭金不受。忽

作贊語。奇義心苦調。峻節一應。

高節難久淹。竭來空復辭。

言婦高節不可犯。秋胡亦知淹畱無益而悔其

空有此調笑也。遲遲前途盡，依依造門基。上堂拜

竭來去來也。

拜嘉慶拜母而喜嘉慶問何之問妻何往也

日暮行

歸來物色柔榆時，美人望昏至，慙歎前相持。

七章敘秋胡到家與潔婦相見事。前四蒙上來

敘明秋胡捨婦到家。中四接寫秋胡拜母問婦

母答以日晚將歸。後二方敘潔婦晚歸與夫相

見慙歎相持。應前領後。美人二字明艷收場。

有懷誰能已，聊用申苦難。離居殊年載，一別阻河

關。春來無時豫，秋至恒早寒。明發動愁心，閨中起

長歎。慘懷歲方晏，日落遊子顏。善曰：言情之慘懷在乎歲之方晏，日

之將落愈思

遊子之顏

八章敘潔婦述懷事。前二總提。後八則以殊年歲阻河關領入。下乃就一歲中。由春秋說到歲晏。就一日中。由明發說到日落。細細鋪敘。而歲晏日落。不接春秋明發直下。撮敘在後。雙頂作收。錯綜之甚。頂慙歎來。可竟接末章切責辭矣。此却補第四章所畧。反將五載中思慕苦情詳述。是急脉緩承法。亦是虛實互用法。

高張生絕絃聲急。由調起。以琴爲比。善曰。高張生於絕絃。喻立節期於效命。聲急。由平調起。自昔枉光塵。結言固終始。如何

久爲別。百行謬諸已。君子失明義。誰與偕。沒齒愧。彼行露。詩甘之長川。汜言我豈可愧於行露詩之貞女而爲失義人之所汙。

汜水
涯也。

九章敘潔婦切責其夫。訣別白沉事。前二亦用
比意作提。配首章作章法。中四切責之辭。直就
初婚要結。說到久別行愆。將前幾章一齊括盡。
後四則點清潔婦不忍同汙。甘心赴水。以作總
收。峻節之結局也。歸愚師曰。無古樂府之警健
然。章法綿密。布置穩順。在延之爲上乘矣。品評
當極。

女門人王瑗佩霞複校

古詩賞析卷十五

古詩賞析卷十六目錄

宋詩

謝瞻

答靈運

謝靈運

從遊京口北固應詔

鄰里相送至方山
始過宣墅

登池上樓
遊南亭

遊赤石進帆海
登江中孤嶼

初去郡

齋中讀書

田南樹園激流植授

石壁精舍還湖中作

於南山往北山經湖中瞻眺

從斤竹澗越嶺溪行

夜宿石門詩

謝惠連

秋懷

擣衣

鮑照

日落望江贈荀丞 贈傅都曹別

行京口至竹里 發後渚

詠史

擬古 八首
選三

學劉公幹體

古詩賞析卷十六

吳縣張玉穀蔭嘉選解

門人

蔣曾煊德融

蔣曾熿德明

校字

騁嚴廷燦暲初

男大鎔禹金

宋詩

謝瞻

字宣遠一名檐字通遠陳郡陽夏人少能文與仲叔混從弟靈運俱有盛名晉時爲

安城太守宋初除中書侍郎以弟晦常朝求出守豫章遇病卒

言
答靈運

一作答康樂
樂秋霽詩

夕霽風氣涼。閒房有餘清。開軒滅華燭。月露皓已盈。獨夜無物役。寢者亦云寧。忽獲愁霖唱。懷勞奏

所誠

靈運愁霖詩序云示從兄宣遠

歎彼行旅艱。深茲眷言情。伊

余雖寡慰。殷憂暫爲輕。牽牽酬嘉藻。長揖愧吾生。

牽牽拘牽
輕率也

詩有以居家做行役意。前六句就已邊敘閒居。月夜休息之景。卽以反照彼邊愁霖行役之艱。中四接入得詩敘其勞苦眷念。後四仍兜轉已邊。雖寡慰。暫輕憂。畧表自得。收到酬詩。謙中總帶意。做

謝靈運

陳郡陽夏人晉車騎將軍玄之孫也

祖父並

並葬始寧縣乃移籍會稽晉時襲

封康樂公

累遷黃門侍郎宋受禪降爵為侯

起為散騎常侍

轉太子右衛率出補永嘉太

守解郡文帝立

徵拜秘書監遷侍中後稱疾

歸好尋山陟險

會稽太守孟顗表其有異志

帝惜其才授臨川內史復為有司所糾徙

廣州尋以事詔就廣州棄市年四十九

從遊京口北固應詔

從宋武帝也京口今丹徒縣北固山在縣城之

西

玉璽戒誠信黃屋示崇高事為名教用道以神理

超

玉璽天子印黃屋天子車二事於名教雖昔聞

汾水遊今見塵外鑣

莊子堯見四子藐姑射之山汾水之陽

鳴笳發

春渚稅鑾登山椒張組眺倒景列筵矚歸潮組帷之飾

帶景遠巖映蘭薄白日麗江臯薄叢也澤曲曰臯原隰黃

綠柳墟囿散紅桃皇心美陽澤萬象咸光昭顧已

枉維繫撫志慙塲苗詩皎皎白駒食我塲苗繫之維之以永今朝工拙

各所宜終以返林巢曾是縈舊想覽物奏長謠言已

雖受寵祿拙而無補於世是以懷舊居而興謠也

前六先以天子尊崇有時道超事外爲宸遊發端復引堯事陪出今遊典重曲折鳴笳四句正敘遊山飲讌遠巖六句鋪寫山中春景以皇心十字勒住則寫景皆頌聖矣得體後六落到己身自慙寵遇轉念隱淪竟以縈想長謠作收應詔詩却如此用意更超甚

鄰里相送至方山

丹陽郡圖經方山在江寧縣東五十里下有湖水舊

揚州有四津方山爲東石頭爲西

祇役出皇邑相期憩甌越

史記東越王搖都東甌時俗號東甌王今之永

寧也解纜及流潮懷舊不能發析析就衰林皎皎明

秋月

析析落葉聲

含情易爲盈遇物難可歇

言別情本易生感遇

此衰林秋月而愈難已也

積疴謝生慮寡欲罕所闕資此永幽

棲豈伊年歲別各勉日新志音塵慰寂蔑

作減

此赴永嘉郡守時別鄰里作前四直就辭京赴任行至方山敘起鄰里相送已含於相期二字中却以己之懷舊不發對面撲醒用筆靈活中四接寫別時之景然含情十字就景申情引動

下意鍊句耐思。後六先以此去合宜自慰。旋以暫別無念慰人。勉志通音。兩面雙收作結。

過始寧墅

晉書靈運父祖並葬始寧縣并有舊宅及墅遂修營舊業極幽居之

美

束髮懷耿介。逐物遂推遷。違志似如昨。二紀及茲

年。十二年。緇磷謝清曠。疲薺慙貞堅。莊子薺然疲

薺音逆疲。拙疾相倚薄。還得靜者便。拙官之拙。剖

竹守滄海。枉帆過舊山。漢書初與郡守為竹使符

謂枉曲其船帆。山行窮登頓。水涉盡洄沿。巖峭嶺

舊山指始寧墅。稠疊洲縈渚。連綿白雲抱。幽石綠篠媚。清連葺宇

臨迴江築觀基層巔。揮手告鄰曲。二載期歸旋。且爲樹粉檟。無令孤願言。

左傳初季孫爲已樹六檟於東門之外注檟欲自爲

也。檟

詩因赴任永嘉過墅而作。有不忘故土意。前六追敘違志登朝。歷時既久。滯磷十字。通首反提拙疾四句。點明移疾出守。得過舊墅。山行八句。就一路到墅登涉之勞。卸到山水之勝。而以葺宇築觀。就墅景勒住。寫景總在山水著筆。應前清曠二字。後四告鄰明訂歸期。樹檟誓不孤願。此別墅之情。卽以應起堅貞二字也。

登池上樓

在永嘉郡

潛虬媚幽姿。飛鴻響遠音。薄霄愧雲浮。棲川怍淵

沉。善曰。虬以深潛而保真。鴻以高飛而遠害。今已

虬。進德智所拙。退耕力不任。狗祿反窮海。臥病對

空林。衾枕昧節候。寒開暫窺臨。寒開開帷幕也。傾耳聆波

瀾。舉目眺嶇嶇。初景革緒風。新陽改故陰。初景初春也。革

除也。楚辭。欵。池塘生春草。園柳變鳴禽。祁祁傷幽

歌。萋萋感楚吟。詩。幽風。春日遲遲。采繁祁祁。楚辭。王孫遊兮不歸。春草生兮萋萋。

索居易永久。離羣難處心。難處心難。特操豈獨古。以為情也。

無悶徵在今。莊子。罔兩責影曰。曩子坐。今子起。何其無特操歟。

此因登樓而感離索之詩。前六以虬鴻飛潛得所。興起已之愧怍。弗如。由於進退失據。為出守

作引。狗祿四句。正敘出守狗祿卧病。以衾枕句作一挑筆。塞開句醒出登樓。傾耳八句。皆寫登樓間見之景。時物改變。隱含下易永久。歌吟傷感。顯起下難處心。後四。點清離索之時。久心悲。而以特操自厲。繳應狗祿無聞。自寬。繳應卧病作收。脉縷細甚。

遊南亭

亦在永嘉郡

時竟夕澄霽。雲歸日西馳。

時謂時雨竟正也。

密林含餘清。

遠峯隱半規。久晦昏墊苦。旅館眺郊岐。

晦病也。

澤蘭

漸被徑。芙蓉始發池。未厭青春好。已覩朱明移。

朱明

夏也。戚戚感物歎。星星白髮垂。藥餌情所止。衰疾忽

在斯。逝將候秋水。息景偃舊墀。

景同影。

我志誰與亮。

賞心惟良知良知良友知心者也

此亦因遊思歸之詩前六先就夕霽寫景以久苦昏墊挑出喜晴出遊旅館句點題引下中四卽眺中澤蘭芙蓉指出春去夏來時物之變後八頂物變感到年衰疾作而以秋來逝息舊厓良知必能亮我點明詩旨曲折流動

遊赤石進帆海

靈運遊名山志永寧安固二縣中路東南便是赤石又枕

海永寧卽今溫州永嘉縣安固作安國卽瑞安縣也帆海揚帆泛海也

首夏猶清和芳草亦未歇

張衡歸田賦仲春令月時和氣清此言首夏猶

然清和芳草亦未歇也

水宿淹晨暮陰霞屢興沒周覽倦瀛

壖況乃

窮髮

瀛海也壖岸也窮髮不毛之地莊子窮髮之北有冥海者天池也

川后時安流。天吳靜不發。洛神賦川后靜波山海經朝陽之谷有神曰天

吳是爲水伯。其爲獸也。人面八首八足八尾。皆青黃。揚帆采石華。挂席拾海

月。臨海志石華附石肉可啖又溟漲無端倪虛舟海月大如鏡白色席卽帆也

有超越。端倪猶涯際也仲連輕齊組。子牟眷魏闕。史記齊田單攻

鄒城不下魯連乃爲書約之矢以射城中遺燕將燕將得書乃自殺遂屠聊城歸而言魯仲連欲爵

之仲連逃隱於海上呂氏春秋中山公子牟謂詹子曰身在江海之上心居魏闕之下奈何高誘注

子牟魏矜名道不足。適己物可忽。請附任公言。終

然謝天伐。莊子孔子圍於陳太公任往弔之曰直木先伐甘泉先竭子其意者飾智以驚

愚脩身以明污昭昭若揭日月而行故不免乎孔子曰善乃逃大澤之中入獸不亂羣入鳥不亂行

鳥獸不惡
而況人乎

題似兩截。却只重泛海。前六就時景敘起。虛括
赤石之遊。跌出泛海。中六正敘泛海。溟漲十字。
真寫得泛海神理出。後六就海上觸到逃名海
上之仲連。江海戀名之子牟。醒出矜名不如適
已。而以附任公言。得謝天伐
收出韜晦本心。極耐咀味。

登江中孤嶼

寰宇記孤嶼在溫州南四里永
嘉江中。嶼有二峯。謝靈運所登。

後人建亭
於其上

江南倦歷覽。江北曠周旋。懷新道轉迥。尋異景不
延。景不延。謂當前異。亂流趨正絕。孤嶼媚中川。爾雅
水正絕。亂雲日相輝映。空水共澄鮮。表靈物莫賞。蘊

真誰爲傳

言如此表著其靈而人莫想像崑山姿賞卽藏真仙而誰傳之也

緬邈區中緣

崑山姿崑崙山之仙靈始信安期術區中緣世上之塵緣也

得盡養生年

列仙傳安期生瑯琊阜鄉人自言千歲

詩有喜得奇境意前四以江邊遊歷幾周折落懷新尋異領入本題中六正敘絕流登嶼雲日十字寫景清超莫賞誰傳寫出自矜得意後四卽孤嶼想到崑山仙境真絕塵寰而以安期得盡長年拓空收住餘波亦好

初去郡

靈運爲永嘉守二年稱疾去職還始寧

彭薛裁知恥貢公未遺榮

漢書彭宣哀帝時爲大司空王莽秉政專權上

書乞骸骨又薛廣德爲御史大夫乞骸骨又述曰廣德當宜近於知恥當平當也又貢禹宣帝時爲

河南令以職事爲府官所責遂去官元帝卽位徵爲諫大夫遷光祿大夫上書願生歸鄉里鍾會有遺榮賦或可優貪競豈足稱達生伊余秉微尚拙訥

謝浮名廬園當棲巖卑位代躬耕顧已雖自許心

跡猶未并

言棲遲外郡究竟跡與心違也

無庸方周任有疾象長

卿畢娶類尚子薄遊似邴生

無庸無用也周任卽指論語周任陳力就

列之說然論語乃引周任之言此則似竟說周任矣須活看史記司馬長卿有消渴病高士傳尚長字子平隱遯不仕爲子嫁娶畢勅家事斷之勿復相關當如我死矣尚後漢書作向漢書邴生名丹字曼容養志自脩爲官恭承古人意促衰返柴荆不肯過二千石輒免去

牽絲及元興解龜在景平

牽絲出仕也元興安帝年號解龜去官也景平

少年號負心二十載於今廢將迎理棹遄歸期遵渚

驚脩垆

驚及也

遡溪終水涉登嶺始山行野曠沙岸

淨天高秋月明憩石挹飛泉攀林褰落英戰勝驪

者肥鑒止流歸停

韓非子子夏曰吾入見先王之義則榮之出見富貴又榮之二

者戰於胸臆故驪今見先王之義戰勝故即是義

肥也文子曰莫鑒於流潦而鑒於止水

唐化獲我擊壤情

堯時老人有擊壤歌見卷一

此去官在途自述其適志之詩前四援古彭薛貢公揚之抑之爲去官作領筆伊余六句轉入

已身秉尚謝名吏隱究非真隱爲題前一開無庸十句正敘安分棄官登証古人總計年歲題

面已了理棹八句接寫去郡後在途水陸之景秋字點出時序後四收足肥遯無疑之意寄懷

上古則不特優食競直
可稱達生矣應起作結

齋中讀書

昔余遊京華未嘗廢邱壑矧乃歸山川心跡雙寂

漠

漠實同

虛館絕諍訟空庭來鳥雀臥疾豐暇豫翰

墨時間作

豐多也

懷抱觀古今寢食展戲謔既笑沮

溺苦又哂子雲閣執戟亦已疲耕稼豈云樂

漢書王莽

既以符命自立以罪甄尋劉棻事連及雄時雄校
書天祿閣上理獄使者來欲收雄雄恐不免從閣
上自投幾死京師謂之語曰惟寂寞自萬事難並
投閣潘安仁夏侯湛誄曰執戟疲揚萬事難並
歡達生幸可託

此詩自李善注以爲在永嘉郡齋諸本宗之并爲一談。愚按歸山川絕諍訟等句的是去郡後在家之詩。故移編在初去郡題之後。前四以在京之不去邱壑。跌出已歸之心跡寂寞。有勢中六承雙寂寞來。正寫齋中讀書景事。而展戲謔又爲下引端。後六以笑哂頂上戲謔。卽仕農之苦。推之萬事難歡。收出達生本旨。作結子雲閑押韻欠妥。瑜不掩瑕。

田南樹園激流植援

水經注靈運祖車騎有田居在太湖疑卽始

寧聖也樹立激濬植種援衛也謂引水環流種木爲衛也

樵隱俱在山由來事不同

臧榮緒晉書胡孔明有言隱者在山樵者亦在

山在山則同所

以在山則異不同非一事養疴亦園中中園屏

紛雜清曠招遠風卜室倚北阜啓扉面南江激澗

代汲井插槿當列墉羣木旣羅戶衆山亦當窗靡

迤趨下田迢遞瞰高峯靡迤猶遷迢接連也寡慾不期勞卽

事罕人功惟開蔣生徑永懷求羊蹤三輔決錄蔣詡字元卿隱

於杜陵舍中三徑惟羊仲求仲從之遊二仲皆挫廉逃名賞心不可忘妙善冀

能同莊子郭象注曰妙善同故無往而不冥也

前四以樵隱在山之不同其事引起園居不同

縱欲用意幻甚中十二正敘題面總見得變紛

雜爲清曠皆因利乘便無過求意而以不期勞

罕人功收佳所謂在園養疴宜如是也後四就

園居補出求友作結用莊注亦能暗繳養疴

石壁精舍還湖中作

善曰精舍讀書齋也靈運遊名山志巫湖三面

悉高山枕水渚山溪澗凡有五處

南第一谷今在所謂石壁精舍

昏旦變氣候山水含清暉清暉能娛人遊子憺忘

歸出谷日尚蚤入舟陽已微林壑斂暝色雲霞收

夕霏芰荷迭映蔚蒲稗相因依披拂趨南徑愉悅

優東扉慮澹物自輕意愜理無違寄言攝生客試

用此道推老子曰善攝生者不然

此兩截題格也前六先敘石壁之景遊壁之樂而以出谷二句點清竟日落到還湖中六則敘湖中所見晚景趨徑優扉又透題後後四總上兩層約指其趣自悟悟人永嘆作結

於南山往北山經湖中瞻眺善曰靈運山居賦曰若乃南北

兩居水通陸阻。又未歸其路。乃界北山。注云。兩居。謂南北兩處。南山是開創卜居之處也。又大小巫湖。中隔一山。然往北山。經巫湖中過。

朝旦發陽崖。景落憩陰峯。景落日落也。舍舟眺廻渚。停

策倚茂松。側徑既窈窕。環洲亦玲瓏。俯視喬木杪。

仰聆大壑淙。淙水聲也。石橫水分流。林密蹊絕蹤。解作

竟何感。升長皆丰容。易。天地解而雷雨作。雷雨作而百果草木皆甲坼。又地中

生木升丰容。悅茂貌。初篁苞綠籜。新蒲含紫茸。茸。紫華也。海鷗戲

春岸。天雞弄和風。南越志。江鷗一名海鷗。漲海中。隨潮上下。爾雅。鷗。天雞。赤羽。

撫化心無厭。覽物眷彌重。不惜去人遠。但恨莫與

同孤遊。非情歎。賞廢理誰通。言孤遊情何足歎。惟賞心若廢理無與通。

爲可恨也。

題似在湖瞻眺。詳詩則過湖後。正在北山瞻眺也。前四先將題面盡皆點清。是先出題法。側徑六句。眺中不變之景。解作六句。亦寫眺中景。然在春時動植之物上說。初非複雜。後六撫景流連。以致歎無人共賞。收住。解作升長。經語入詩而不覺腐。謝公所長。

從斤竹澗越嶺溪行

靈運遊名山志。神子溪南山與七里山分流去。

斤竹澗數里。一統志斤竹澗在溫州府樂清縣東七十五里。

猿鳴誠知曙。谷幽光未顯。

元康地記。猿與獼猴。不共山宿。臨旦相呼。巖

下雲方合。花上露猶泣。逶迤傍隈隩。迢遞陟陁峴。

徑連山中斷也。過澗既厲急，登棧亦陵緬。既厲急，峴山嶺小高也。涉水川渚，屢徑復乘流，翫迴轉蘋萍，泛沉深菰蒲。

事。冒清淺。蘋，大萍也。企石挹飛泉，攀林摘葉卷。想見山阿

人，薜蘿若在眼。楚辭：若有人兮山之阿，被薜荔兮帶女蘿。握蘭勤徒結

折麻心，莫展。秦據逸民賦曰：握春蘭兮遺芳，楚辭：折疎麻兮瑤華，將以遺兮離居。此云

勤徒結心莫展，言欲贈友而未由也。按詩：作即景懷人說，不必定有指也。劉坦之注：謂廬陵王被譖

見殺，謝公因之而出此山。阿人，楚辭：本指山鬼。詩意：借以傷廬陵王，未免穿鑿。情用賞爲

美事，昧竟誰辨。言情之所勝，卽以爲美。觀此遺物而事理殊昧，莫能辨也。

慮一悟得所遣。

此三截題。過澗一截。越嶺一截。溪行一截也。須看其點次錯綜處。前四從山中曉景說起。字字刻畫。三層皆冒。逶迤四句。總寫從澗越嶺。兩句雙點。兩句雙承。不作層遞。便團簇。川渚六句。獨寫溪行之景。前過澗已有水程。故以屢徑復。翫迴轉。蒙上文來。以清本位。企石攀林。卽引下意思。想見四句。卽景懷人。惜其莫邁。後四則以賞辨。雖難其人。而觀悟自可遺遺。收到不妨獨樂。用筆曲甚。

夜宿石門詩

靈運遊名山志。石門澗六處。石門溯水上入兩山口。兩邊石壁。

右邊石巖。

下臨澗水。

朝。攀。苑。中。蘭。畏。彼。霜。下。歇。暝。還。雲。際。宿。弄。此。石。上。
月。鳥。鳴。識。夜。棲。木。落。知。風。發。異。音。同。至。聽。殊。響。俱。

清越妙物莫爲賞。芳醕誰與伐。美人竟不來。陽阿

徒晞髮。代自負其善飲也。楚辭與汝沐兮咸池。晞

汝髮兮陽之阿。望美人兮未來。臨風懷兮

浩歌。陽山南也。

前四。以朝遊陪出夜宿。點題而起。中四。卽所聞

寫景。不以目治而以耳治。是夜宿神理。後四。亦

以共賞無人收住。而措辭又別。○謝公詩。遊覽

爲多。選中所登數首。實能隨題制變。盡相窮形。

爲此體獨開生面。當與柳

柳州諸遊記。千古並傳。

謝惠連。陳郡陽夏人。幼聰敏。十歲能屬文。族兄

靈運深嘉賞之。本州辟主簿。不就。後爲

司徒彭城王法曹參軍。輕薄

多尤累。故官不顯。年三十七

秋懷

平生無志意。少小嬰憂患。無志意無以如何。乘苦遂其志意也。

心矧復值秋。晏皎皎天月明。奕奕河宿爛。蕭瑟含

風蟬。寥唳度雲雁。寒商動清閨。孤燈暖幽幔。秋風謂之

商風耿介繁慮積。展轉長宵半。夷險難豫謀。倚伏昧

前算。雖好相如達。不同長卿慢。嵇康高士傳相如贊曰長卿慢世越

禮自放頗悅鄭生偃。無取白衣宦。偃偃仰不仕也。後漢書鄭均字仲虞

東平任城人公車特徵再遷尚書後病乞骸骨拜議郎告歸因稱病篤帝東巡過任城乃幸均舍勅

賜尚書祿以終其身未知古人心。且從性所翫。賓

故人號爲白衣尚書。至可命觴朋來當染翰。高臺驟登踐。清淺時歷亂。

淺一作波。頽魄不再圓。傾義無兩旦。魄月魄也。義一作陵。頽魄不再圓。傾義無兩旦。義和謂日也。

金石終銷毀。丹青暫彫煥。謂功名勒金石圖。丹青之不常也。各勉

玄髮歡無貽。白首歎因歌。遂成賦。聊用布親串。串音

慣爾雅串習也。親串親狎之人。

此述懷以告親串之詩。前四就居恒不樂轉出。況值秋晏。是虛含懷字。逆入秋字也。皎皎六句。寫秋夜之景。兩就形說。兩就聲說。動閨閤慢。拍到已身。耿介四句。正落懷字。多愁不寐。後事難期。即前所謂苦心也。耿介二字。正為達偃對照。雖好六句。轉出破愁作用。莫如達偃。却援引古人。於中節取。煞到從性所翫。點清主意。賓至四句。約指達偃之事。賓至朋來。已為親串伏根。後八。復推開說。時不再來。功名難永。人當及時勉。達偃之歡。無徒耿介。以貽白首之歎。然後以作。

詩告友為通章總收局陣展拓而
結構仍復謹嚴法曹詩此為壓卷

擣衣

雜曲歌辭○此詩諸家樂府皆不載惟
梅氏古樂苑於雜曲歌辭收取北魏溫

子昇作題下注云宋謝惠連有擣衣詩後
多擬作不入樂府子昇此篇郭左亦不見
載然相傳為樂府也唐劉希夷李白樂府
皆有擣衣篇穀按既收溫作則此作例合
先收故注
明於此

衡紀無淹度暑影倏如催

衡北斗第五星名爾雅星紀斗牽牛也

白

露滋園菊秋風落庭槐肅肅莎雞羽烈烈寒蟬啼

莎雞絡緯
寒蟬屬

夕陰結空幕宵月皓中閨美人戒裳服

端飾相招攜簪玉出北房鳴金步南階

招攜招呼
攜手也玉

玉簪金。欄高砧響發。楹長杵聲哀。微芳起兩袖。輕

汗染雙題。

題額也。兩人對擣。故曰雙題。

純素既已成。君子行未

歸。裁用笥中刀。縫爲萬里衣。盈篋自予手。幽絳俟君開。腰帶準疇昔。不知今是非。

擣衣。擣素而成衣。非擣已成之衣也。看題勿混前八。以流光易逝意起。便卽時物鋪敘秋景。夕陰十字。遞落閨夜。總爲擣衣發端。中八。正敘擣素四句。就其人說。四句就其事說。著色形容。後八。接寫成衣。方點出君子不歸。裁縫寄遠。珍重遲疑。心事。言情婉約。

鮑照

一名昭。字明遠。東海人。文詞瞻逸。尤長於樂府。始爲臨川王國侍郎。遷殊陵令。文帝

遷爲中書舍人。上方以文章自高。照悟其旨。由是賦述多鄙言。累句。人皆謂照才盡。實不

然也。後臨海王子預鎮荊州，請爲前軍參軍，掌書記。子預敗，爲亂兵所殺。

日落望江贈荀丞

旅人乏愉樂，薄暮增思深。日落嶺雲歸，延頸望江陰。亂流深大壑，長霧匝高林。林際無窮極，雲邊不可尋。惟見獨飛鳥，千里一揚音。推其感物情，則知遊子心。君居帝京內，高會日揮金。豈念慕羣客，咨嗟戀景沉。

此因荀不念己而告愁之詩。題首四字，不過觸愁之端，意不重也。前八先敘日落望江之景，然以旅人乏樂，薄暮增思，領入卽對末句戀景意中。四接上林雲，就獨鳥揚音，落到遊子心傷賦。

中帶此慕羣意。已含在內。後四只就荀之方常
得意。不念舊交收住。而已之慕羣戀景。已在其
不念中點明。兜應
極密。却極空靈。

贈傅都曹別

宋書傅亮字季友初爲建威參軍桓謙中軍行參軍又爲劉毅

撫軍記

室參軍

輕鴻戲江潭。孤雁集洲汜。邂逅兩相親。緣念共無
已。風雨好東西。一隔頓萬里。言遭風雨而追憶棲
宿時。聲容滿心耳。落日川渚寒。愁雲繞天起。短翮
不能翔。徘徊煙霧裏。

詩分三層看。前四追念前日之偶聚契合。中四
正敘目前之忽散緊思。後四遙計後日之獨居。

難聚。純以鴻雁
爲比。猶是古格。

行京口至竹里

京口今丹徒縣

高柯危且竦。鋒石橫復仄。複澗隱松聲。重崖伏雲
色。水閉寒方壯。風動鳥傾翼。斯志逢彫嚴。孤遊值
曠逼。彫嚴衆物彫落嚴寒時也。曠逼日入將昏時也。兼塗無憩鞍。半菽不
遑食。兼塗猶兼程也。言行之急也。君子樹令名。細人效命力。不見
長河水。清濁俱不息。

前六。不說已之行役。突就冬天自京口至竹里。
一路景物鋪敘。是爲倒插。中四方。順落寒天日
暮。客行勞頓。後四。忽又推開。泛論人必有事。就
長河指點出。俱難休息來。不粘不脫。收得靈動。

異常。

發後渚

後渚在建業城外江上

江上氣早寒。仲秋始霜雪。從軍乏衣糧。方冬與家別。蕭條背鄉心。悽愴清渚發。涼埃晦平臯。飛潮隱脩樾。孤光獨徘徊。空煙視昇滅。塗隨前峯遠。意逐後雲結。華志分馳年。韶顏慘驚節。言豪華之志分散於馳逐之年韶令之顏慘傷於驚節。序之變也。推琴三起。歎聲爲君斷絕。此苦征役之詩。前六就時序說起。點清辭家就道行役在方冬。却從江上氣寒。仲秋霜雪領入。正爲方冬苦寒。先作觀筆也。意在說寒。則乏衣是主。兼說乏糧。亦是錯綜處。中六正敘途中之

景。孤光十字。琢句生新。塗隨十字。東本段。即引
未意。後四以分馳。年繳醒。行役慘。驚節。緣醒方
冬。而以琴聲斷絕。感慨作
收。著爲君字。又拓空得妙。

詠史

五都矜財雄。三川養聲利。

五都。雒陽。邯鄲。臨淄。宛。成都也。三川。河洛伊也。

千金不市死。明經有高位。

史記。陶朱公曰。吾聞干。金之子。不死於市。漢書。

夏侯勝嘗謂諸生曰。士病不明經。經術苟明。其取青紫如俯拾地芥。

京城十二衢。飛

螢各鱗次。仕子影華纓。游客竦輕轡。

影音。飄華纓。華組之纓。

明星晨未晞。軒蓋已雲至。賓御紛颯沓。鞍馬光照

地。寒暑在一時。繁華及春媚。君平獨寂寞。身世兩

相棄。漢書蜀有嚴君平卜於成都日閱數人得百錢足以養則閉戶下簾而授老子。

詩咏君平之寂寞也。前路鋪排都是反撲。前四

先就富者矜誇。遞到貴者。京城四句。再就貴者

赫奕。遞到遊客。明星六句。又就遊客敘其奔走

伺候。勢利側媚之形。一路寫來。極其熱鬧。末二

忽以君平寂寞身世兩棄。對照陡收。跌得醒。鞍得峭。

擬古八首
選三

幽并重騎射。少年好馳逐。幽并二州名。璽帶佩雙鞬。象

弧插雕服。鞬盛弓器。象弧以象牙飾弓鞘也。服盛箭器。獸肥春草短。飛

韃越平陸。朝遊雁門上。暮還樓煩宿。漢書雁門郡有樓煩縣。

石梁有餘勁。驚雀無全目。闕下宋景公使工人為弓。九年乃成。景公登虎

圈之臺。援弓東面而射之。矢踰於西。霜之山。集於彭城之東。其餘力逸勁。猶飲羽於石梁。帝王世紀。帝羿有窮氏。與吳賀北遊。賀使羿射雀。羿曰。生之乎。殺之乎。賀曰。射其左目。羿引弓射之。誤中右目。羿抑首而愧。漢虜方未和。邊城屢翻覆。畱我一白終身不忘。

羽將以分虎竹。

虎一作符。史記初與郡守爲銅虎符。竹使符。

此擬少年思建邊功之思。前二點地。點人提明所事。總冒而起。瓊帶八句。鋪寫其騎射之精。馳逐之遠。點次有虛實。位置亦錯綜。後四方推開。收出報國立功心事。却仍在射上著筆。氣宕而格嚴。

鑿井北陵隈。百丈不及泉。生事本瀾漫。何用獨精堅。瀾漫如瀾之。漫繁多也。言人生之事。幼壯重寸本無紀極。何必精堅其志於學問也。幼壯重寸。

陰。衰。暮。反。輕。年。反一作及謂幼壯從事學問曾重

而。不。行。寸陰既當衰暮豈可反輕此餘年放。駕。息。朝。歌。提。爵。止。中。山。朝歌衛地舊為商紂所都其俗

樂也。酣歌故名爵酒爵中山郡名搜神日。夕。登。城。隅。周。記狄希中山人也能造干日酒

迴。視。洛。川。街。衢。積。凍。草。城。郭。宿。寒。煙。繁。華。悉。何。在。

宮。闕。久。崩。填。空。謗。齊。景。非。徒。稱。夷。叔。賢。

此擬暮年放志行樂之詩首六突以鑿井北陵

深不及泉比起生事無窮攻苦無益壯時已悞

豈堪輕擲暮年來聳拔有勢放駕四句正寫放

懷。街。衢。四。句。就。所。見。醒。出。富。貴。難。聞。末。二。証。古。
人。翻。舊。案。就。回。抱。上。截。富。貴。難。留。中。并。兜。
應。首。段。學。問。無。益。忽。然。勒。住。極。緊。極。峭。
河。畔。草。未。黃。胡。雁。已。矯。翼。秋。蛩。扶。戶。吟。寒。婦。成。夜。

織扶猶依也去歲征人還。流傳舊相識。聞君上隴時。東

望久歎息。宿息改衣帶。朝旦異容色。念此憂如何。

夜長愁更多。明鏡塵匣中。瑤琴生網羅。

此擬思夫久從征役之詩。前四從秋時景物敘起。寒婦夜織點清詩主中六。幻出他人還家傳聞其夫征役之苦。因就織上想到定改衣帶。又就身上想到定異容色。後四突然換韻。緊頂上文。醒出憂思。再迴顧秋夜。醒出愁多。然後以鏡塵琴網獨居冷況作收。音節鏗鏘之後。忽用曼聲搖曳之。何等姿致。

學劉公幹體

胡風吹朔雪。千里度龍山。楚辭北有寒山。連龍施然。王逸注。連龍山名。

集君瑤臺上。飛舞兩楹前。茲晨自爲美。當避艷陽天。艷陽桃李節。皎潔不成妍。

此借雪以自比。前四言薦致身後四言畏讒避位也。起得突然。結得悠然。竊恐公幹詩反未能佳妙。若此。

女門人王瑗佩霞複校

古詩賞析卷十六